

MAJLIS BAYONI

№ 5

“24” aprel 2026 yil

Qarshi shahri

Raislik qiluvchi:

O.Y Xo'jamqulov –“O'zmilliybank”AJ
Nasaf BXO mudiri

Qatnashdilar:

BXO barcha xodimlari

KUN TARTIBI:

**O'zbekiston Respublikasining “Korrupsiyaga qarshi kurashish to'g'risida”gi Qonuni,
“Manfaatlar to'qnashuvi to'g'risida”gi Qonuni hamda “O'zmilliybank” AJning Korrupsiyaga
qarshi kurashish Siyosati va Korporativ etika kodeksi talablari**

Kun tartibidagi masala yuzasidan Nasaf BXO mudiri O.Xo'jamqulov so'zga chiqib, yigilish qatnashchilariga O'zbekiston Respublikasining “Korrupsiyaga qarshi kurashish to'g'risida”gi Qonuni, “Manfaatlar to'qnashuvi to'g'risida”gi Qonuni hamda “O'zmilliybank” AJning Korrupsiyaga qarshi kurashish Siyosati va Korporativ etika kodeksi talablari bilan xodimlarni tanishtirib, Davlat tashkilotlarida korrupsiyaga qarshi kurashish yunalishida manfaatlar to'qnashuvining oldini olish, ularni aniqlash va tartibga solish samarali huquqiy mexanizmini yanada takomillashtirish maqsadida, “Manfaatlar to'qnashuvining oldini olish to'g'risida”gi Qonun loyihasi ishlab chiqilib, 2024 yil 5 iyun kuni tasdiqlangan holda Adliya vazirligidan 931-raqam bilan ro'yxatdan o'tganligini, manfaatlar to'qnashuvi” tushunchasi mazmunida bevosita siyosiy, iqtisodiy va shaxsiy manfaatlar yuzasidan kelib chiqadigan to'qnashuv, ziddiyatlar yotadi, ya'ni shaxsning o'z manfaatidan foydalanishi yoki foydalanishga urinishi ortidan boshqa shaxslarning iqtisodiy, siyosiy yoki boshqa tisdagi manfaatlariga ziyon yetishi bo'yicha aytib o'tdi. “Manfaatlar to'qnashuvi” tushunchasi bir qarashda, “manfaat” va “to'qnashuv” so'zlari birikkan holda ikkita subyektning manfaati to'qnashuvi ma'nosini bildirsa-da, huquqiy jihatdan mazkur tushunchalar birikmasi boshqacha holatni ifodalaydi. “To'qnashuv” so'zi lotincha “conflictus” so'zidan olingan bo'lib, qarama-qarshilik, qarama-qarshi tomonlar, qarama-qarshi fikr, kuch, kelishmovchilik va nizo, shuningdek, qarama-qarshi kuch va fikrlarning to'qnashuvi ma'nolarini bildiradi. “Manfaat” so'zi esa arabcha – foyda, daromad, moddiy, ma'naviy va boshqa jihatdan ko'riladigan naf so'zlarini ma'nosini anglatishi to'g'risida takidlab o'tildi.

“Manfaatlar to'qnashuvi” tushunchasining asosiy xususiyatini shaxsiy manfaatdorlik tashkil etadi. Shaxsiy manfaatdorlik esa, moliyaviy (mulkiy) daromadlar ko'rish shaklidagi tijoriy (iqtisodiy), xizmat vakolatlaridan foydalanish bo'yicha huquqlar yaratishda ifodalanadigan siyosiy, shuningdek, o'zi va qarindoshlari uchun imkoniyat yaratadigan shaxsiy manfaatdorlikdan iborat ekanligini, boshqacha qilib aytganda, shaxsiy manfaatdorlik bevosita – davlat xizmatchisining o'zi bilan bog'liq bo'lsa ham yoki bilvosita – davlat xizmatchisiga to'g'ridan-to'g'ri manfaat olib kelmasa-da, uning qarindoshiga, boshqa tanishlariga, shuningdek, u bilan ishbilarmonlik muhitida bo'lgan shaxslar bilan bog'liq holda yuz bersa ham holatga manfaatlar to'qnashuvi sifatida baho berishni aytib o'tdi. Manfaatlar to'qnashuvi davlat xizmatchisi xizmat vazifalariga kiradigan harakatlarni amalga oshirishi

va yoki oshirmasligi natijasida shaxsiy manfaatdorlik asosida uchinchi shaxslarning, davlat va jamiyat hayotining turli sohalariga iqtisodiy va boshqa tUSDagi zararlarni yetkazish oqibatlariga olib kelishi bildirib o'tildi.

O'zbekiston Respublikasining Mehnat kodeksida o'zaro yaqin qarindosh yoki quda-anda bo'lgan shaxslarning, basharti ulardan biri ikkinchisiga bevosita bo'ysunib yoki uning nazorati ostida xizmat qiladigan bo'lsa, bir davlat korxonasida birga xizmat qilishlari taqiqlanganligi, manfaatlar to'qnashuvi yuzaga kelishining asoslaridan biri - bu shaxsiy manfaatdorlik hisoblanishi, qarindoshlar o'rtasida esa manfaatlar to'qnashuvi yuzaga kelishining ehtimoli yuqori hisoblanishi. shu jihatdan olib qaraganda, Qonun chiqaruvchi mehnat faoliyatini olib borishda qarindoshlik masalasiga ham alohida e'tibor qaratilganligi aytib o'tildi.

O'zbekiston Respublikasi Prezidentining 2021 yil 6 iyuldagi "Korrupsiyaga qarshi kurashish faoliyatini samarali tashkil etishga doir qo'shimcha chora-tadbirlar to'g'risida"gi PK-5177-sonli qarorida ham korrupsiyaga, shu jumladan, manfaatlar to'qnashuviga yo'l qo'yilgan holda tuzilgan shartnomalarni haqiqiy emas deb topish, davlat xizmatchilari tomonidan tadbirkorlik faoliyatida ishtirok etganligining huquqiy oqibatlarini belgilash bo'yicha vazifalar belgilanligi ta'kidlab o'tildi.

Kun tartibida qayd etilgan masala yuzasidan bildirilgan fikr - mulohazalar va bajarilishi lozim bo'lgan vazifalardan kelib chiqib, ushbu yo'nalishdagi ishlarni yanada takomillashtirish maqsadida, majlis

QAROR QILADI:

1. Bank tizimida bank xodimlari tomonidan qonunbuzilish holatlariga yo'l qo'ymaslik, korrupsiya, ta'magirlik va poraxo'rlikning har qanday turlarini oldini olish, lavozim vazifalarini halol va sidqidildan bajarish hamda bank xodimlari etikasiga qat'iy rioya qilinishini ta'minlash.

2. O'zbekiston Respublikasining "Korrupsiyaga qarshi kurashish to'g'risida"gi Qonuni, "Manfaatlar to'qnashuvi to'g'risida"gi Qonuni hamda "O'zmilliybank" AJning Korrupsiyaga qarshi kurashish Siyosati va Korporativ etika kodeksi talablariga qat'iy amal qilish va mazmun mohiyatini bank xodimlariga yetkazish;

3. Mazkur majlis bayoni bilan barcha xodimlari tanishtirilsin.

Nasaf BXO mudiri



O.Y.Xo'jamqulov

Handwritten signature in blue ink.

Handwritten signature in blue ink.

Handwritten signature in blue ink.

